



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2683/12
Sarajevo, 6.12.2012. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	06.12.2012		
Broj:	01-50-1-15-38/12	Broj:	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 28. sjednici održanoj 28.11.2012. godine, utvrdilo je Odgovor na zastupničko pitanje koje je postavio Mate Franjičević, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2683/12
Sarajevo, 28.11.2012. godine

Mato Franjičević, zastupnik u Zastupničkom domu Parlamentarne skupštine Bosne i Hercegovine, na 33. sjednici Zastupničkog doma, održanoj 6. septembra 2012. godine, postavio je sljedeće zastupničko pitanje:

„Kakav je status Inicijative o proglašavanju 23. augusta „Danom sjećanja na žrtve svih totalitarnih i autoritarnih režima?“

Na postavljeno pitanje, Vijeće ministara Bosne i Hercegovine je na 28. sjednici održanoj 28. 11. 2012. godine, utvrdilo sljedeći

ODGOVOR

Ministarstvo za ljudska prava i izbjeglice BiH je od strane Vijeća ministara BiH 12.10.11. godine zaprimilo Obavijest o zaključku kojom je Vijeće ministara BiH, na 163. sjednici održanoj 10.10.11. godine, upoznato sa inicijativom Mate Franjičevića, zastupnika u Zastupničkom domu Parlamentarne skupštine Bosne i Hercegovine, kojom se predlaže Vijeću ministara pokretanje procedure za proglašavanje 23. augusta danom sjećanja na žrtve svih totalitarnih režima. Također, je ovo ministarstvo 24.11.2011. godine zaprimilo predmet vezan za mišljenje na Program obilježavanja značajnih datuma iz oblasti ljudskih prava za 2012. godinu, kao i predloženu inicijativu Mate Franjičevića.

U vezi sa navedenim Ministarstvo za ljudska prava i izbjeglice BiH je preduzelo sljedeće aktivnosti:

1. Nakon većeg broja dostavljenih urgencija nadležnim tijelima u Bosni i Hercegovini u cilju prikupljanja mišljenja na Program obilježavanja značajnih datuma iz oblasti ljudskih prava u BiH za 2012. godinu, Ministarstvo je vladama entiteta i Vladi Brčko distrikta BiH, 15. decembra 2011. godine, na mišljenje i izjašnjenje dostavilo inicijativu o proglašavanju 23. augusta „Danom sjećanja na žrtve svih totalitarnih i autoritarnih režima. O svim provedenim aktivnostima koje se odnose na pomenutu temu Ministarstvo je obavještavalo Vijeće ministara BiH.
2. 12. januara 2011. godine ispred Ureda premijera Vlade Federacije BiH, Federalno ministarstvo rada i socijalne politike je dostavilo mišljenje u kojem su naglasili da razmatranje predmetne inicijative nije u nadležnosti Federalnog ministarstva rada i socijalne politike, ali da nemaju ništa protiv njenog usvajanja.

3. Vladi Republike Srpske i Brčko distriktu BiH 6. februara 2012. godine, upućena je urgencija za dostavljanje mišljenja.
4. S obzirom, da od Vlade Federacije BiH nismo zaprimili mišljenje nadležnog organa to je 9. marta i 9. aprila 2012. godine, upućena urgencija za dostavljanje mišljenja. Istog sadržaja urgencije su dostavljene i Vladi Republike Srpske i Brčko distrikta BiH.
5. Vlada Republike Srpske je 17. aprila 2012. godine (zaprimljen 23. aprila), dostavila mišljenja tri nadležna ministarstva i to:
 - a) Ministarstva prosvjete i kulture RS-a u kojem se navodi da su u BiH podijeljena mišljenja o pomenutom pitanju.
 - b) Ministarstvo pravde RS, je u svom mišljenju istaklo da su nakon razmatranja inicijative mišljenja da još nisu ispunjene pretpostavke da se 23. august proglaši danom sjećanja na žrtve svih totalitarnih režima.
 - c) Ministarstvo rada i boračko invalidske zaštite je na inicijativu dalo negativno mišljenje, i smatraju da nije opravdano da se navedeni datum uvrsti u Program obilježavanja značajnih datuma iz oblasti ljudskih prava u BiH.
6. Urgencije Vladi Federacije BiH i Brčko distrikta BiH dostavljene su 11. maja, 6. juna, 6. jula i 13. augusta 2012. godine. Vlada Brčko distrikta BiH je na 144. redovnoj sjednici održanoj 24. jula 2012. godine donijela Zaključak (zaprimljen 4.9.2012.) kojim je konstatovano da se ne može očitovati po dostavljenoj inicijativi, jer nema dovoljno elemenata putem kojih bi podržala opravdanost proglašavanja 23. augusta danom sjećanja na žrtve svih totalitarnih režima odnosno, uvrštavanje ovog datuma u Program obilježavanja značajnih datuma iz oblasti ljudskih prava u BiH.
7. Vladi Federacije BiH je šesta urgencija za preciziranje mišljenja dostavljena 13. septembra 2012. godine.
8. Vijeće ministara BiH je dopisom od 9. marta 2012. godine, obavijestilo ovo ministarstvo o zaključku donesenom na sjednici održanoj 7. februara 2012. godine, u kojem je navedeno da je Vijeće ministara BiH upoznato sa aktivnostima Ministarstva za ljudska prava i izbjeglice BiH u cilju realizacije zaključka donesenog na 163. sjednici Vijeća ministara BiH u povodu podnesene inicijative Mate Franjičevića za proglašavanje 23. augusta danom sjećanja na žrtve svih totalitarnih režima.

S tim u vezi Vijeće ministara BiH je zaključilo da Ministarstvo za ljudska prava i izbjeglice BiH nakon obavljenih konsultacija s nadležnim entitetskim ministarstvima i nadležnim tijelima Brčko distrikta BiH Vijeću ministara BiH na razmatranje dostavi inovirani Prijedlog mišljenja o inicijativi.
9. Na osnovu navedenog Zaključka Ministarstvo za ljudska prava i izbjeglice BiH će nakon što zaprimi mišljenje Vlade Federacije BiH, postupiti u skladu sa Zaključkom Vijeća ministara BiH.